

- Attamen prudens anulum reservat,
 Quem dedit sponsus digitis puellae,
 Nuptias quando celebres agebat
 In cruce pendens.
- 25 Talis accedit dominam Mariam,
 Ut sui sponsi dominique matrem,
 Unicum fontem pietatis, unam
 Spem miserorum.
- ‘Ei mihi’! dixit, ‘Symon atque Nero
 30 Nunc revixerunt, miseramque matrem
 Rursus oppugnant: iterum dolores
 Et fuga rursus.
- Scis, mei sponsi genitrix Maria:
 Natus est quidam coluber pusillus,
 35 Quando sponsabar. Draco factus ingens
 Hic modo regnat.
- Nemo tam sevus fuit antichristus,
 Arrius quamvis fuerit malignus.
 Attamen tales poterant caveri
- 40 Prava loquentes.
 Hic nichil verbis, sed agit venenis,
 In dei templum sedet, aureumque,
 Ei mihi matri! populus fidelis
 Mammon adorat.
- 45 Israel quis rex Baal invocarit,
 Qui sacerdotes Baalim sacrarint,
 Qui super montes statuas locarint,
 Tu bene nosti.
- Quis locus vel quae domus orbe toto
 50 Est modo concors heresimque nescit?
 In locis cunctis domibusque¹ sacris
 Turba redundat.
- Tres modo fratres sedeant in unum;
 Tercius pro me bona si loquatur,
 55 Vera dicenti duo mox repugnant
 Lisque rotatur’.
- Audiebamur simul intuentes,
 Cum magis nos his peteret querelis.
 Namque se vertens, ubi nos videbat,
 60 Mesta profatur.

IV.

‘O vos monachi, parcite matri!
 Cur vos etiam me laceratis?
 Vos esse decet sydera caeli,
 Pureque iubar fundere lucis.

1) ‘domibus’ cod.